

Presretanje elektronske pošte



Tip prevare

Prevaranti presreću povjerljivu poslovnu elektronsku korespondenciju između kupaca (uglavnom domaćih privrednih subjekata) i njihovih ino-dobavljača, a zatim mijenjaju sadržaj fakture u dijelu instrukcija za plaćanje. Na taj način se kupci dovode u zabludu da vlasnicima računa navedenim u lažnim instrukcijama, a koji su zapravo izvršioi krivičnog djela, uplate novac i to na sopstvenu štetu.



Način rada

- Prevarant presrijeće kompanijske elektronske poruke, traži poruku koja sadrži fakturu izdatu od strane ino-dobavljača.
- Prevarant zatim imitira službenike ino-dobavljača i šalje lažnu ili izmijenjenu fakturu kupcu.
- Prevarant na taj način navodi kupca da izvrši transfer na račun trećeg lica umjesto na račun ino-dobavljača.
- Prevarant odmah nakon realizovanog transfera podiže sredstva sa računa na štetu kupca.



Preventivne mjere

- Vodite interni registar računa Vaših partnera
- U slučaju iznenadnih i/ili nenajavljenih promjena u instrukcijama za plaćanje sadržanih u fakturama, a posebno broja računa ino-dobavljača, provjerite i potvrdite instrukcije sa ino-dobavljačem prije izvršenja plaćanja.
- Prije plaćanja ino-faktura značajnih iznosa, uvijek potvrdite i provjerite instrukcije za plaćanje sa izdavaocem fakture (ino-dobavljačem).
- Nakon izvršenja plaćanja po osnovu ino-fakture, uvijek provjerite sa izdavaocem fakture da li je plaćanje uspješno izvršeno.
- Provjeru validnosti faktura ili izvršenog plaćanja sa ino-dobavljačem nikada nemojte vršiti putem elektronske pošte. Umjesto toga koristite telefon, faks ili VoIP (Skype, Viber i sl.), odnosno neki drugi kanal koji ste ranije koristili za komunikaciju sa ino-dobavljačem, pri čemu nikada nemojte koristiti kontakt podatke sa sumnjive fakture.
- Nemojte koristiti besplatne e-mail servise za poslovnu korespondenciju.
- Nemojte koristiti javne računare (internet cafe) za poslovne aktivnosti.
- Instalirajte i redovno ažurirajte anti-virusni i firewall softver na vašem računaru.
- Povjerljive i lične informacije kao i poslovnu korespondenciju šaljte isključivo upotrebom zaštićenih e-mejlova.